

上湖紀歲詩編

上湖紀歲詩編卷第四

錢塘 汪師韓 韓門

戊寅 五十二歲

北遊舟次寄答友人贈行之作

銅街三載返藥市一厘脩

余所居乃宋時藥市

始泮塵埃服重登雨雪舟

江花當路發湖水出關流安得如萇楚無知百不憂

霖雨無其極河流有底忙初程依埃堡高節負耕桑驅我饑何

物懷人醉是鄉

同人連日飲餞

贈箋和故籍去處一衣囊

舟夜

天光波隱映夜氣樹迷濛倦旅酒初醒晴空月正中思家看北斗吹艇信南風纖作知寒舍篝燈不寐同

柳邊

莽莽平原浩浩波驚沙隄上逐風多柳邊欲覓流鶯問那不邀春共渡河

東阿項王墓

舊碣表重瞳行人拜草中山圖君子國林起大王風地盡秦焦土天亡楚魯公高歌垓下操聊當哭英雄

垓下歌樂府曰力拔山操

至京師下榻舊居

饒醫生涯藥石身仙都重到謫仙人敝裘裹撲黃埃澁老屋門遮碧草新莫問楊朱何泣路相逢叔向漫憂貧依然槐下攤書地情話深宵對所親

出門惘惘是蓬蒿入座蕭蕭見二毛秋葦折餘空顧影春蠶絲在一援毫東華舊第辭棲燕

陳海甯汪休甫皆有賜第東城

西塞新疆疏貢獎

哀樂併來生百感非關旅雜笑號咷

書西旅底貢厥獎馬鄭舊解爲酋豪

柳絮

沾袪縹緲自矜妍未化爲萍絕可憐太息春風竟何意團揉無處不成綿

保定蓮花池懷古

橫翠樓西舊館尋兵戎餘興鑒池深預除宋患從攻宋曾仕金源竟背金九代政編先野史再傳封爵盡和林浩歌五百年間事坐起藤陰立柳陰池爲都元帥張柔自滿城移鎮保州時所鑿其時元尚未收國號乃太祖稱成吉思可汗之二十二年即宋理宗寶慶三年金哀宗正大四年也元史憲宗五年張柔鎮亳州以百丈口爲宋往來之道可容萬艘遂築甬道自毫而南六十餘里中爲橫江堡又以路東六十里皆水立柵水中由是鹿邑甯陵考柘楚邱南頓無宋患八年帝自將伐宋由西蜀入命張柔從忽必烈征鄂州

杭州

柔乎宏範封淮陽王宏範子珪封蔡國公

初至廣平清暉書院

南來溫淦護封畿藝圃城東近北扉十里波平花是海繞城荷

上湖紀歲詩編

卷四

二

兩隄陰合柳成圍地因君子開新館

萬厯間建荷花館康熙天
丙申改建荷花書院

與騷人襲舊衣何事蘭臺紀任筆

清暉之名郡守
任公安業所改別從謝客賦

含暉

藉農曾築省耕堂

康熙甲寅永年令朱
世緯建省耕堂今廢

臺榭頻經旱潦傷喬木

畫圖何似昔水花標格總勝常百城書擁關前數一曲湖分比

故鄉

舊有露臺臺上石坊顏曰鑑湖
烟月明太守劉芳譽建今廢

莫上漪樓感陳跡禪樓今

亦改丹房

漪樓亦劉芳譽所建有漪樓記石刻崇禎間改真武閣令僧居之今以屬道士

聞來啟戶即清遊一畝宮臨水四周葦岸蛙鳴知孰爲釣磯驚

立笑何求

亭西露臺下有漁磯今廢

相要酒有王宏送便擬家同范晷畱可

是參柴風宛在杖藜編柳盡良謀

久拋鉛槧復胸懷輯褫殘書掃風埃強記力衰如葉落微吟披

癢值花開曾和采苦尋山去畧似依蓮汎水來應愧里居孫仲

或追從大澤盛英才

題夏承碑拓本

碑在城內紫山書院即舊漳川書院

漢碑在世歷可數

上聲

上遡孔林下曹全中間多由宋代出夏承

亦自元祐傳秦君愛古味所出沿訛信是中郎筆察書本不命
郭香諱名豈至疑楊厥一經扶植三改元何人令役埋堦垣築
之登登復國貞珉無路鳴煩冤嘉靖重摹縱非古猶勝僞造
山及簠那不并將題額刊移字排行意何取我嘗臨做徒隸書
顛崖荒隴搜瑤瑜奚況漳川與湔俗東京仿佛畱形模看碑復
用烏金揭張壁晨昏對齋閣卻憶建甯當三年碑是建甯三年所立其年
中郎辟橋佐出長河平旋復入弇州因是爲推原骨氣精彩昔
猶見又數百載迹盡遷太尉三碑一無有豈獨漫滅文範阡崇
壙或者石還在特愁拊擊成斷塊昔應無暇磨龕砂翻藉糊頽

保殘碎他時城旦遇刻文急遣鐵灌聯瓜分真跡片段亦至寶
詩成大笑書癡云明郡守秦民悅見此碑於府治後堂作愛古
趙明誠金石錄耳秦民悅扶立於成化十五年嘉靖二十
二年因築城之役毀於工匠郡守唐曜取搨本重刻相距六十
餘年舊有篆額漢北海淳于長夏君碑九黑字今篆額只淳于
長夏承碑六白字舊碑十四行每行二十字今本十三行每
行三十字漢書地理志淳于長為撰文海郡屬青州又漢縣有令
長之今新縣志誤以淳于長為撰文海郡屬青州又漢縣有令
熹西嶽華山廟碑有書佐郭香察書蓋蔡人姓名謬妄如此延
誤以香察二字為人名隸釋有辨建和司隸校尉楊君頌云
楊君厥字孟文蓋尊其人故不稱名而但稱字也水經注及歐
趙兩錄皆誤稱楊厥碑唐文粹願況樂府有築城登碑傳山
國兩章為寺人以基碑建甯三年中郎由蔡中郎郭有道碑入
鄭簠俱有偽造本顏魯公宋廣平碑在今沙河縣東北碑已
為郎中見後漢書斷沒正德十二年大末方思道為令出之土中鎔二百斤鐵貫
而續之歸震川有跋

廣平三君詠

即詩韻中各集

永年申鳧盟

用聽山集中七言拗體韻先生諱涵
光太僕端愍公任允之子甲申後絕意

什進以諸生終兩辭薦辟有其弟姪輩編次年譜甚詳其稱詩河朔漁洋懷人詩以詞傑稱之

河朔詩派導詞傑朋松友石西山時乘權不如飲酒樂嚮道甯

可行路遲

晚從孫徵君遊嘗論朱陸謂朱由大路遲而穩陸由便徑捷而危

濛濛霧隱溪上屋

茅屋詩溪上新成屋數間

颯颯風薄城南祠

端愍祠在城南

所恨生晚莫就正空雍

白蒿尋紫芝

年譜云先生年三十二讀鮑謝詩謂謝繁縟積不逮明遠遠甚余向不好康樂詩有說在詩學纂

聞竊喜先得我心

永年張覆輿

用張子詩選中昭明臺五律韻諱蓋甲申後當貢太學不受遂棄諸生

先生

已發任疾所居東橋築土室自封惟歲時一出拜母

母沒出成服復入室凡八年卒其不就太學乃甲申

後事而志乘皆稱是崇禎時者非也朱彝尊作墓誌

謂惟申殷至延入土室談甚洽余近見遲山堂遺文

瑣鈔謂張處士土室自封者七年余贈以詩蓋未見

也然則申殷亦不得入其室矣先生有子侗能詩

今訪其後人惟一應童子試者而已

拜母袁閔孝持身郭瑀清佯狂非故國長嘯此先生傳去聲可參

真隱居休號太平微茫廣陵散如錢若為情

晉書隱逸傳阮籍

人先生論按登亦居士室與袁閔郭瑀同

南齊高逸傳褚伯玉

於剡縣白石山立太平館以居之

北齊徐

之才二子俱無學術嘆云恐終同廣陵散矣

雞澤殷伯巖用畱耕草堂集中讀史第二十四首五

副使以忤時相死於詔獄及京城陷岳與弟淵舉義

兵淵以先發為賊所害岳於順治初選

唯甯知縣騎

結竿喪羆虎投簪蟄龍蛇中一落塵網促歸赴瑤華衣冠挂縣

門草帽驢背斜息交不絕遊時出命巾車落然喻鳧堂北望三

嘆嗟申夷盟築堂曰遲山雖取遙傳杜陵叟怪我還山遲之語

而實以殷號宗山待其來也則遲當讀去聲宗山亦顏其

也按喻鳧乃唐詩人姓名

毛遂墓
按劍兩言決持盤一手招三年無士誦十步失君驕上客迹仍

晦孤墳經幾朝翩翩和碌碌豪舉總蕭條毛遂曰公等碌碌太史公曰平原君翩翩
濁世之佳公子也

李學士墓并序

府縣志冢墓俱稱宋敷文閣直學士李椿墓在永年城西者非也公墓志乃朱文公所撰欽宗靖康元年金人陷京師公之祖泰父升皆遇難公時年十六奉母南走湖嶺間洺州地已屬金矣公仕五十年由潭州衡山尉歷桂陽衡州荆湖南路以至轉運副使不離湖南地是以有故居在衡陽野塘之上後公以敷文閣直學士致仕仍歸野塘其薨也葬衡山花光寺之山後二里葬後十年而朱子始爲之銘又後四十一年而金亡洺州屬於元又四十五年而宋亡天下一統距公之葬九十六年矣爲其雲仍者亦何忍開百年之墓跋涉四千里之程而歸葬永年

哉此墓別有詳考在清暉小志

學士遭厄運喪家失完都兩世卽藁殯奉母南渡湖踰冠乃從
政旣壯更讀書義皇闡易象進退恒裕如有壘依野塘一再懸
安車埋骨赤嶽址昭銘出眞儒湘干我曾遊恨未訪故墟垂老
旅曲梁頽然見黃墟南北昔未通式微焉歸歟誰改百年壠遠
登彌月塗倘以賢豪問慕思勞里閭鄉奠招羈魂衣冠此藏諸
抑或其先塋早歲拱桑榆策贈視所後寵秩稱靡殊幽扃土一
圻睇古欽哲模再拜補宿恨多言毋亦愚

清河蝗

斯螽艱難風螽斯太和氣曷爲田穉害乘昇快焚燠心葉根節
花螟螳蠹蟬蜚使我稼穡痒胸彼文武衣不殺勢螽午令嚴敢
誣諱清河有好舫驅除集丞尉私祝欲口吞祀酺或跪乞團團

滾焉休翳翳響猶未坎坎掘其溝竿竿縛以扉捕蝗者縛蔽入履於竿以撲

夜火具揚煥乾雜枯卉成旬患始息一喜罄百費聞來大江南

障天如駿躡遞歇羽檄馳遮列羣吏沸誰是卓魯境遠避棠蔽

芾鄉愁我心搖或告君勿畏厥性北不南背飛君且慰我聞紫

微言通變出義緯明詔詎忘漢小忍願效魏倪韓妄囂叟王令

徒夢寢鷹啄知有無鳳食轉獻欲袖賀行自慚蒸餐痛何味魚

鳥故親人饗餐布羅厨而此奪民天偏同育他彙焉識雨暘時

刑賞協帝謂室處治及賤房中化自貴夫然舍蜺蜚至教罔弗

暨南軒張氏釋蠡斯之詩云是雖微蟲實鍾太和之氣以成形又云蝗大小不一與他象不亂亦不相軋元史五行志至

元五年童謠云馬札望北跳今俗猶云蝗必自南而北然宋徐

照有蝗飛高詩云櫛櫛北方來橫遮遍天黑則南北固非有定

也宋王令有夢蝗詩至和元年作禹貢孔傳以湖南暨聲教為句應貞華林園詩云聲教南暨

梁構亭自香河令調任饒城

龍灣續奏上龍岡路盡風沙入井疆宿學幾人兼幹局素交爲
吏總循良廨閑六服都鈴選秦檄馬旗鼓三城大隊行西師頻過不有
彥光來靜鎮得無毫髮擾農桑梁彥光見隋書循吏
計程三日促裝難問訊連朝折簡看徐稚預期蕃榻下晏嬰重
念肸宗單謬教拙訥司都講喜有謳歌達考槃事業黑頭須早
建吾衰尙及見膠鬲

題黃梁祠

邯鄲山侯館開十年前度辦嚴來乙丑曾以一歸廨養才人奉使過此
老不借青瓷夢亦回

稻梁謀拙賦朝饑更傍叢臺攬客衣我若夢遊仙有分只爲蝴蝶夢中飛

題畫

朔雪迷漫壓徑平瓊臺獨上看雲行遠村何處虛船在杳杳寥
天一鵠鳴

胡麟趾過訪

麟趾名在角永年人乾隆丙辰進士知松滋縣凡十年

贗書能辨間去聲編誣讐比勤勤味道腴十載宦成貧士似老年
心苦後生無遺經獨抱門常掩精舍來觀杖偶扶一日相遭隊
盡解方知樸學有真儒

四思詩

并序

歲且更始生徒雲散兀然獨居舊感紛至昔張平子爲四愁詩
以倣屈原意格乃出宋玉招魂傅休國張孟陽擬之形模似矣
竊謂不如少陵同谷有其神焉兼所取法以解寥落忘其不自
量也

我所思兮黃河春薄暮渡河奔河濱平河橋北七十里千桅萬

燈波磷磷一爲別兮載改歲今春攸關棹重繫同舟故人已佩
符書來苦說謀粗糲

我所思兮樅川夏空倉悲風號黑夜

時居倉屋

麻衣出城更入城腰

脚疾作卧僧舍

禪度庵

一爲別兮及廿載雲樹龍眠夢魂在自傷

顛蹶名已毀鮮民之生日負罪

我所思兮蓬山秋葑間白蓮香發幽淋漓暑雨踏泥返索人和
詩池上樓一爲別兮經八年時移豈敢忘其愆天邊旅處作家
信 賜貂雖饑毋賣錢

我所思兮湘水冬湘干霜摧蘭杜叢孤航元日泊湖口愁予渺
渺君山峰一爲別兮十三祀芳草小稿書篋底

嘗編湖南詩名題曰芳草集

都鞍馬湘士多載書而出吾老矣

己卯

五十三歲

寄懷何太穎孝廉試用廣西

清選取才實單家慕名官投未匪憚耕霑祿爲承歡山濤迭啟
事貢禹虛彈冠豈不擅風表曠近常異觀一朝聞趣裝捧檄桂
海間尊累慰崔望婚親快鵬搏所冀蒲苾化重惟收宰難平生
務逞節處勢艱反刎眉頭雖暫伸縷責始交盤認詞孰機辨輕
諺多面謾老婦拜姑嫜偶旅宜低顏阿孀鞠嬰赤羅襪實摧肝
符攝迫嚴峻通章勉榮鸞科法甚毛銖訛牒窮翻瀾羸謂及穢
腐撾捶忍淒酸上顧耑輒戒下恐撻校寬職辦來美聲繁湊殊
罕閒弊劫釋編貫洽資馴徭蠻傾注於上流指辰躡通班舫乘
當暮春逋懸凡若干西僨更東敦其易卽填還聊用解答颯著
鞭渡桑乾南去過家巷長筵慶團樂王程幾千里程程溯江湍
宦立爲君喜闊積念復攢遺書代捉手喧風吹愁端

幹子城 并序

康熙初永年令朱世緯縣志古蹟不載此城府縣新志乃稱城在縣南三里引北齊書及寰宇記皆謂干將鑄劍處今爲韓家屯村夫干將吳人事見吳越春秋闔閭內傳其爲劍匠自在吳地安得廣平有遺跡歟貨殖傳言邯鄲郭縱以鐵冶成業與王者埒富壤地相接幹子或其徒侶耳是乃以幹子訛爲干將而後人顧謂干將訛幹子耶別有考在清暉小志

歐治造劍鑄浦山干將後出盤閭間食殘兔腹氣冲斗鑑池曷遷滄一灣吾聞郭縱起鐵冶都會漳河埒王者鼓橐熾炭鉤師

同幹子其徒名久假干將躍水作龍舞更無人取華陰土我有

涓鈞置匣中不能拔鞘空談古皇甫遵吳越春秋注赤堇山一名鑄浦山在會稽縣歐治子鑄

劍之所淮南子曰區冶生而涓鈞之劍成高誘注曰涓鈞古大銳劍也按鈞疑鉤字之訛然李華練塘頌有涓鈞精堅之語

李善注文選引越絕書亦作滄鈞則二字古通也

郭公柳 并序

宋史稱周顯德中洛州團練使郭進嘗於城四面植柳壕中種荷菱蒲蓴後益繁茂郡民見之有垂泣者曰此郭公所植也舊縣志謂成化間郡守李進種蓮未嘗考及宋史疎矣

柳色豈周樹人情猶宋年拾遺文久沒補闕令誰宣魚戲涵喧影鴉啼入暝烟數行蒹葭外搖豔幾芙蓮按宋史進在洛州有善政郡民詣闕請立碑頌德詔左拾遺鄭起撰文賜之又辛仲甫知彭州少樹署無所休仲甫課民栽柳蔭行路郡人德之名爲補闕柳陳釋惠標孤石詩峯作一笑蓮

題堂壁石刻黃澍詩 并序

壁有詩石刻明御史黃澍樂城署中懷其同年蘇京詩按澍以守汴功擢御史旋以督學湖廣過此故其詩有何年解甲鐫衣

惡及野心此去護柔腸之句時京巡按畿輔見而屬和遂並刻
之京嘗於永年建紫山書院在城外近人乃移其名以改漳川書院其後爲河南
巡按在差而逃

論功汴上奮囊沙陳疏南都力觸邪太息故鄉師友盡遺詩疥
壁孰籠紗

廣羊山 并序

向聞廣平三君嘗同隱於廣羊山問之里人都不知廣羊何處
聞沙河縣新志乃知山屬沙河志亦不知曾有隱者

聽山西去廣羊山山在平沙落照間峽勢壺形人不到石泉風
與送崢嶸 山有懸壺腦七里峽張命士詩云壺形猶迤邐峽勢已巖嵒

水

六月枯旱七月水閏月撲蝗掘蝗子閏六月蝗子生翎水決口田

禾濡尾人濡首聲吹鬼神風拔樹官令四門先塞路洛河灌北
釜奔南河面蠕蠕湧蠕去雨中繫役隄堰平只有儒肆從欹傾
日聞文符走健步微村切里難分明預防先事 詔截漕去聲官
勘胥鈔籍孩耄耶孃妻子握粟多徂念死者傷如何

屋壞

伏雨關風瓦礫場橫流激壑逼金隄一平波路通遙埭孤絕書
棚寄野塘過客勸移曾子屋隣家謀築宋人墻分去聲無瑞室堪
爲頌兩版爭先護縹囊梁簡文帝詩征虜艤

雨不止

版築垂成水敗塘淋漓天漏挾風狂有私物論參恩怨無隙方
書測雨陽四海正歌兵馬洗時聞賊渠逃一隅休憾麥禾傷土
豚豫作須良吏安藉金扃急用禳順治戊子漳水溢入滏河與

上湖紀歲詩編

卷四

十

上湖紀歲詩編

畚鍤又以金卮及府大門扁沈水
藏之乃退郡人感之見舊縣志

聞盧司臬賈王兄沒哭之

告凶來赤翟叙別自瑯邪祗訝瘡楊信終傷痺李華時以病途風失音

窮常似刳名敗更何誇剩有還鄉夢和君餉外家魏書劉郁遇劫賊呼曰齊

州主簿房景遠是我姨兄北史李園之自誇文章姨兄常景笑而不許舊唐書杜易簡博學有高名姨兄岑文本甚雅重之

居貧誰暖眼少賤共方頭持藥虛同直褰帷竟絕遊老親資祿

養稚子利蒙求俯仰知難瞑昭銘瞑首圻

懷舍弟客趙州

迢迢市暨鄙城南暫爲持籌當去聲載芟壁涌波頭何代畫橋橫

驢迹幾時劉山郎未可輕黃霸鹽籍何須落畢誠古轍今風隨

處適莫因羈鞅闕封緘宋周燾北轅錄趙州城外安濟橋隋時李春所造橋有張果老驢迹唐裴裕

東觀奏記畢誠連昇甲乙科杜琰爲淮南節度使置幕中始落
鹽籍趙州志栢林寺壁有畫水相傳以爲吳小仙筆或云吳

道子筆也按王弼州四部稿有題趙州畫水古詩不言何人之
畫池北偶談云趙州畫水世傳是吳道子筆陸儼山大鶴北還
錄云宣德間定
州何生作也

寄懷桂方來

江鄉訪舊逢君病河朔傳書說病添賴是中醫能不藥竟成貞
疾尙其占壘篴在御聲相叶謂兄裴絲竹當筵興未厭君精音律寫寄
離思期後會春園櫻笋酒重拈

西師凱旋回部內屬恭紀

歸義荒王出遣車達瓦齊封親王旋卒俟斤骨粉棄屍餘阿睦爾撒納竄入俄羅斯冥誅

畏吾已盡孳狼蠹爾猶煩建隼旗黨散驕彌無大小罪原智

盛並親疎秋澄一片婆陵水光映鎔金佩曳魚逆酋小和卓木霍集占大和卓

木波羅泥都俱爲拔達克山
回人素爾坦沙殺於柴札布

浮圖川上動錢歌九姓紛攜客部多回部葉爾奇木喀什哈爾別部拔達克山博羅爾等

諸將捷音馳壁壘可汗封號譯婁羅剎鈔一變廻如鵲隴畝三

農種去聲是駝西北百城行國外自準噶爾全部既定左右哈薩

烏梁海諸部先後內附今又金微鐵勒總投戈舊唐書廻紇傳

收降又元和四年廻紇遣使改爲廻鶻義取廻旋輕捷如鶻也

羅五代史回鶻以縻駝耕種史記大宛傳行國徐廣曰不土

著按準夷皆行國回部則有城

鑾輅親臨勞卒旋二月二十七日黃臺街充斥待朝

天瓶施高站千人飲去聲版負新圖萬戶編轉戰尙思羊虎谷置

郵遙溯鵬鵠泉單于臺卽燕然府動地歡呼 詔旨宣

瀚海東西息扇張王鈴左右控封疆坐收精仗纏頭綵行擁高

輪大尾羊被服雪消衣縞素同文風化字橫行恭惟 廟算光

前烈保泰尤厯庶事康回紇衣白故杜陵雷花門詩云連雲屯

云衣冠縞素又上尊號玉冊文云種類譬互縞衣如茶 回紇

在元曰畏吾兒元史畏吾兒字橫書按顏師古西域傳注曰今

西方胡國南方林邑
書皆橫行不直下也

庚辰 五十四歲

次韻酬李尉

并序

李君名心正字南陔浙之山陰人廣平縣尉也其先任四川之
崇甯有嚴君平墓久蕪沒君尋訪得之立碑建祠又刻君平所
著老子指歸著論以辨其無識支機石之事彙古今題贊爲崇
德祠志略自稱嚴意子又號耻齋余惟孟子云人不可以無耻
漢書孫寶云士安得獨自高節取二語書聯贈之復次其投贈
之韻以答

仕有時爲貧義與古先遠不遭無不爲上聖猶少賤君躬素士

業榮譽矯俗羨隨牒尉永昌忠孝肯置念

從原詩叶

槎辨博望誣壘

考龍圖見君平不棄世斯意日眷眷祠成誌亦傳扁舟下江隸

載仕小廣平風則守無變所求尺寸補不負升斗戀僑士喜親
仁問訊纔隔縣惠詩煩再三改歲始一面倉猝設主賓焉知後
乏便吾生累虛名齒髮耗席硯學易憂患餘天行究旋轉王韓
於魏晉老易稱共貫指歸著卜肆實先得所願君爲發其微取
節抱殘卷落落孫寶隣遙遙梅福傳君更遡郭曩吾擬續元晏
漢書君平卜筮于成都市與弟子言依於孝與人弟言依於順
與人臣言依於忠龍圖謂趙清獻公成都集記云羅隱隸書
君平井碑在永昌縣嚴樂院後井東南可五十步即君平墓碑
曰蜀莊之壘王韓謂王輔嗣韓康伯之注易非謂王喬韓眾也
嵇康高士傳周宏讓續高士傳俱不傳獨皇甫謐撰者傳耳

五月朔先妣忌日

鮮民猶未死廿載痛靡依捧奠單煢在營新故土非逾旬天狗
墮四月星隕向午日烏微是日食老病兼憂感紛來涕泗揮

寄王用晦

用晦名今遠曲周人雍正壬子同年也由乾隆丙辰進士歷任濟甯州放歸時以所作七

先生傳及蓮
亭遊記見寄

凌亂蒲荷滿澤陂故人蘭訊慰孤羈笑談如見維摩疾

君方袂抱疾

襍煩求下女貽文獻朔塗憑實錄登臨秋館寫清思手鈔彙入

山箱本待訪緇帷更質疑

余輯清暉志將成

寄用晦詩未達遽聞凶訃復次前韻述哀

逢迎幸不隔山陂酬唱鵝湖欲息羈

君歸爲毓英書院山長

絕筆忽成千

古恨浮生剩有一經貽荀卿遊學年相若

君長余一歲

陶令歸田世

所思

君在濟甯自解歸

顧我旅裝無藉在新書誰信亦誰疑

順德太守金質夫過訪

軒車凌曉過蓮西立馬花邊問解攜避暑惜無河朔飲尋幽煩

爲野亭題一襟風颺周池澗四望雲垂夏木齊好景但常來好

客劉璣原自適清溪

西都賦呀周池而成謂城壕也

雨後欄開

積晦無繇眼一明小園晨涉快新晴步窮蒿徑逢劉杙坐久苔
磯脫杜榮甘讓繁花及春發好占碩果待秋成隔溪承露憑誰
種自衛還夸向日傾西堤外有人家種向日葵按葵名承露
爾雅釋木曰劉杙鄭樵箋注曰卽石櫛
本草謂之安石榴然則博物志謂張騫得自塗林安石
國者非矣又釋草志杜榮箋注曰卽芒草也可爲履繩

觀荷

望望朝朝俯碧欄遙遙夜夜夢河干風櫺不隔香清遠只當移

湖屋裏安

南齊楊叛兒曲歡欲
見蓮時移湖安屋裏

攬菹登蘋意總休圍蘆蔭柳此芳洲獨應心折花君子造熱風

多面未秋

宋玉風賦生病造熱江總
雜曲君面未秋何意冷

題漪樓記石刻

并序

荷花館之盛莫如明萬厯間劉公芳譽爲郡守時申端愍公詩

所謂風流太守一高陽也漪樓一記刻意琢句後來碑版罕能
追步而石刻嵌旁屋塵壁間百年來輯志乘者搜索所不到余
拂拭於幽翳之中手捫而筆錄之更求所謂漁磯露臺浮橋者
皆莫定其處惟門壁尙有劉公與秦京阮太冲唱和詩石而石
以在門外爲人刻畫不及此記之完整秦阮皆公邑子當日與
張林宗稱中州三先生者也

漪樓記石父

劉字

逸調何氛氲栢構久易制鑱石人罕聞復焉仙

佛想

此記中語

百載埋荒屯我來作堂長索隱乘隙曠掃壁自捫摸

燒燭重佔呻讀竟不皺裂愛玩踰阮秦看花及花發香色侵樓
勢春來漫漫蘆穿穴山切隣恐蘆化成荻侮我君子身秋深青
蓋折無用質流津河底歲填淤是賴決瀝勤去年龜兆出旱涸
絕纖鱗今年代萱草雙蒂迎日分榮悴豈有常卽目聊可欣採

荷莫復諷寒漪正瀾淪

昭明太子詠同心蓮詩云以茲代萱草必使愁人歡

辛巳 五十五歲

陰雨三章

二月陰雨朔風載涼我來朔陲三年以強老僕去我羸馬薄裝
爾歸則悅伊我豈忘

柳穠在陌簷杏始花他鄉之室我以為家爾去自春我秋引車
語我知故遲我紅沙

有姊有姊所天各無我之熒熒鳥則無雛有弟依我乃客岐路
又失僕貞何為旅處

春雪

春氣劇暄暖浟旬恒烈風陰雨此兩背如膏潤濛濛墻頭雨中
花惹靄生丰容夜來風更勁屋側摧枯桐但疑吹雨斷焉知雪

塞空一徑委萬玉凜冽如嚴冬病軀方止酒踈局難熱中濕薪
鬱炊烟怨咨聞僕童生徒怯衝泥負笈莫過從獨坐手故書傾
耳懷陶公片席支破窗苟且爲彌縫其旁恣穿穴掃淨仍紛落
移牀障敝簾或晴當下春

後鬼車行

喉喉舌舌伊嘯聲頭頭翼翼齧疣形閃閃爍爍乘晦冥若有鬼
馭來天庭周官分職逐天鳥釋民惑志迹須掃洞然一體本無
疑何憾手無弓矢討君不見天有一夫九首守帝闕地有九鳳
九首北極神雄虺儵忽世莫遇此鳥獨與酷吏倫鐵籠未取甕
未內豺虎畫出張牙斷鴟母鵬子類鼠竊畏人豈敢當日輪我
昔賦詩在渚濱時無潭守如李椿暮途羈棲李公里緩音低語
續舊聞歸巢有徵明定霽會聽縣蠻弄檐際鷓兮鴒兮河上歌

載廣古調向誰何歐陽公鬼車詩此鳥十頭有十口口插一舌

野語梅聖俞詩或時月暗過閭里緩音低語若有求

得家書

寄書秋半春初到懊惱書遲見初歡見說秋成新穀賤過年餽

口不煩難

和金質夫隆興寺登佛香閣韻在正定府城俗名大佛寺

早傳香界役天神傑構頻經駐蹕新宮先去聲玉華通御氣臺參

金閣現眞身雨雲岳頂來何際時方多雨露水壇心證有因我未攀

林空表刹寺建經壇羨君吟眺預春巡隋始建寺天降異香見張公禮龍藏寺碑

元史世祖本紀命鍊師玉道歸於眞定築道觀賜名玉華或以爲泰定間始建玉華宮者非也舊唐書王綰傳五臺山有

金閣寺鑄銅爲瓦塗金其上

寄舍弟阻水元城

水湧漳洛路絕蹤尺書難遣鯉魚通何當遲久來芳訊原上飛
行各病中

日長無客下扁舟時聽飄風落隴頭景色最奇愁亦絕夜涼四

面水明樓

時蓮亭東西隄並
沒水中需船以濟

壬午

五十六歲

四月營宅兆於錢塘湖九曜山南事畢復將北行

修壟初成馬鬣封偕覃心力幾春冬三喪卜宅傾舟麥九貴移

宮倚廟松會葬客無延雜弔歸耕書枉輯田農孤雲裏裏浮江

出魂戀南山暖翠重

山在宋時有九曜星君殿按宋史禮志紹興十一年詔臨安府於國城之東建築九

宮壇壝又高宗本紀紹興十八年築九宮貴神壇於東郊九曜

即北斗九星也術家以五星等當之指爲山之形象謬矣漢

汜勝之種植書本名田
農書見李善文選注
舊書篋中檢得輯評蘇詩殘稿

百種書鈔散碎存十年夢斷往來論塗雅稿脫成猜忌故紙重
翻滴淚痕

重至蓮亭

城上霧雲蔽日紅石欄閒倚水亭空蒲荷葭莢皆新長聽不分
明雨又風

夜坐

朔陞雨後嫩涼生問字何人載酒行舊業浮沈過小滿新文商
畧及長贏余以閏五月至鬢垂素髮悲元操口學微詞誤屈平獨抱遺
經誦忘寐柳林河上一燈明南史晉朱之官以六年爲限近世以三周爲期謂之小滿余前客廣
平過三年故借用之
元操北齊李孝貞字

呂君贈銅雀瓦硯歌 并序

魏三臺皆作於漢建安中臺有三而人但稱銅雀者以其先成

特書於魏志且殿西有園卽名銅雀三臺又在其西魏武遺令已獨稱此矣魏以後臺經再造一在後趙石虎居邺時一在北齊文宣受禪時至武成乃以三臺宮爲大興聖寺逮後周靜帝時韋孝寬破尉遲迴三臺並毀今銅臺之瓦猶有得自漳濱者莫定其爲魏趙齊也余別有考文多不錄呂君名游字樂天臨漳諸生嘗注易又好管子書投徒磁州壬午夏謁余廣平因贈此硯

羽陽宮瓦紀千歲甘泉宮瓦題長生羸顛劉蹶劇驟驥瓦頭銘字畱分明建安都許袁劉喪司空曹侯位丞相鄴京閣道起三臺銅雀中央屹相向峭澗返旆總帳懸伎樂百戲延康年諸夫人過自伏魄香銷組廢荒蕘田精舍譙東迹並掃憤懣臺郎來獻弔將軍降趙少府誅青雀化鸛赤雀范臺更金鳳石室空興

聖改寺大蝟攻饅餽又見築葛屨珉瓶翻貴如璧琮魏國先生
雅鑒古說易滄陽稱易祖權衡輕重管夷吾心胸開拓陳同父
詒我硯材雀不渴薛班著骨波紋活章求歐奪兩抱慙但日鈔
書忘腕脫古來書厄秦與新五厄遞及湘東焚此硯與書僅有
存幾回濡筆傷斯文元魏孝靜帝時有青雀子童謠北齊文宣帝受禪日京師獲赤雀以獻乃堯難宗
所染也賀鑄故鄉詩序云韋孝寬被尉遲迴築京觀於葛屨
山此事不見正史序稱鄴都記按通考所載有鄴都故事二卷
鄴中記一卷故事不可得見世所傳鄴中記稱是晉陸機撰者
乃雜集羣書成之應是偽書其中亦無此條硯箋徐鉉得銅雀
硯注水試墨即滲鉉笑曰豈銅雀之渴乎李邕詩云銅雀不鳴
惟解渴管城何罪遽遭髡蓋用此也按銅雀在宋已多偽作故
韓魏公詩云頭方面凸繁難別千百未有一二真韓魏公有
答章望之求古瓦硯詩歐陽公有答謝景山遺古硯歌皆即銅
雀硯也書五厄
見隋書牛宏傳

疊甲戌年詩韻寄龔梧生

時自山西榆次令擢貳山東曹郡

太行雲物朔風前循譽東西歷吏銓坐向春園看花發駐桃園集閒

過夏澤膾魚鮮劉攽治郡行寬政范梈移家托寓賢苦憶南華
著書地溟鵬河鼠各安便

行次正定遇鄂罕回部來朝

并序

回部內屬拔達克山乃極西之境又西去馬行三月有國曰鄂
罕其國主愛哈木時沙遣其和卓官名密爾漢齋表貢馬按唐宋
史俱言大食國其境盡於西海其俗不食猪狗肉有禮拜堂與
今回部正同鄂罕應猶在古大食地而拔達山豈卽石國之勃

達嶺耶

鄂罕亦
名蒿漢

三月程通勃達山算灘緘表款重關衛溫得自攻原後虞芮來
從遏密還萬舞廣筵張

帝所雙瞳文駟迺天閑大涂日有新治道孰傳歸忠定八蠻元
祖平西域凡下七百餘城其王皆稱算灘見元史郭侃傳又見
劉郁西使記今其國主稱汗時正定保定俱有筵宴唐書遇

上湖紀歲詩編

卷四

六

卷四

統傳渠領請治大涂號參天道又開成間嗚沒斯降詔宰相德
裕采秦漢以來三十人為異域歸忠傳龍賜之
匈奴百蠻大國顏注曰於百蠻之中最大國也
後漢書西域傳陳忠疏云八蠻之冠莫甚北虜

甲申

五十八歲

將暫還廣年寄蓮亭諸生

蓮塘水落別經春嬰疾纏綿旅寡親哀結同塗儀草草感增歧

路喧頻頻

癸未

何當枚叔仍梁客常使康公憶趙人聞道擁書

都投地顙垣破壁總更新

潘安仁哀永逝文
昔同塗兮今異世

蘭陵王入陣圖歌

并序

北齊河清時有蘭陵王入陣曲考王本傳但言免胄示面而唐

崔令欽教坊記則以王貌類婦人乃刻木為假面臨陣著之劉

餽隋唐嘉話舊唐書音樂志文獻通考並同蓋舞以像此曲亦

歌此也余按北齊芒山之捷有二一在東魏孝靜帝武定元年

卽梁武帝齊鼓吹曲有戰芒山是也一在武成河清三年卽陳文帝天嘉四年事詳段韶傳中蘭陵乃文襄之第四子而唐段安節樂府雜錄誤作神武之弟後人擬曲因有誤孫爲弟者

芒山破周十萬軍神武始憶元康云軹關將去聲擒洛圍解武成

南討續樹勳金墉城前孰深入武王年少驚絕羣崢嶸大面假亦真盛氣足掃關西氛拜賜娉婷寢被寵脫鎧曷愁面不腫長髭未隕鳩媒來枉令累朝傳膽勇在丹青和教坊百戲萬舞千金裝卽今威顏肖刻畫也如執翳懷文康可嘆齊亡城舞設獸耳飾金還畫契興哀自古關天行好醜於人難口說君不見朱伺鐵面弩的發狄青銅面更披髮古人面柔壯其猶今人面剛肉無骨音樂志周武平齊作城舞亦刻木爲面效齊人之狀

新玉煖手歌

河源有二一于闐分爲三河注一川三河方折盡成玉記錄猶
憾疎張騫三絕三通慰後漢獻玉始晉平吳年大或塊重數十
石細雜帶佩斤盈千豈無圭璧却顯德可笑簪釧求貞元投寶
通聖山名定虛語所貴依內同依天我昔考古凜龜鏡忽覩輪囷
致精瑩甘掾窮臨西海還駝負羶蒙走不脛獻琛遙共寶錯攜
席珍下應儒宮聘想當涸澤滂自秋每乘皓月光方盛拜號爭
夸得砮麟紀年敢復稱同慶貨奇倍利如乳香價賤全由民市
聽吾聞球琳告文命伊尹商書作獻令僂僂頻歲遣阿辛宿衛
誰爲尉遲勝漢書西域傳顏注闐音徒賢反字書或作去聲
傳通聖山在于闐國北境又于闐謂金翅鳥爲所麟宋嘉祐
八年其王乞此號並見宋史蔡條鐵圍山叢談于闐朝貢使
每來必攜其寶錯以往反五代史晉天
祐三年于闐遣使來貢稱同慶二十九年

初秋蓮池小集遇雨

凍雨蓮塘日洗紅，翠雲彌望柄搖風。剩畱墜粉還臨鏡，一霎跳珠又打篷。覆蔭賴依藤老大，迴環漸佈石玲瓏。何當妙諦隨緣得到處，傳觴有碧筩。

謂從廣年荷花書院來也

保定旅懷

并序

旅處嘿息，忻慨交心。願言懷人，觸緒成詠。詠非一事，成不一時。以其皆五言也，彙鈔以爲旅懷。

諷書以字計，習書與傲爲。往往白髮翁，常作童子師。孟胡終乎爾，語胡首學而童難。喻斯義先在熟，其詞我再筮。蒙亨皆是世胄兒，厚始恐薄終。驕盈壞門基，殷勤老夫望。由禮豈預知，所職但旬度。佔畢且呻其

傲書習書見元史巉巉傳

端，居苦無歡。挈杖問林阜，只尺蓮花池。近市乃離垢，得侶卽童冠。何必計誰某，古藤蔽巖局。柔條拂培塿，若會憩亭陰。不在攜

觴酒酌言與子宜聯步相人耦萬戶一疏鑿奕世為游藪烟景

似江南增華無不有蓮花池元萬戶張柔所鑿聘禮每曲揖日以相人耦為敬也

謹齋昔左遷鴻臚卿一舸還建水十年重趨朝清卿位連徙念

我久見客其旋詢素履厚祿書盡絕君獨顧窮圯喪祭訂先民

宅兆斥方技著有喪禮約言祭禮輯要又有葬論為詩歛鋒芒會道古人儼我亦

有著書好寫待輯瓖

朝騰西樂駕暮就東垣息逢迎鄭使君正定鄭謙基太守贈之壇山刻

鈍丁嘗有求丁敬身號鈍丁宿諾遠難即泊余蹇淹留集古由肇域太

室宋鼎譌鉤黨孔碑泐近得豐潤古鼎銘曲阜孔褒碑金石空自珍同好孰賞

識會投琳瑯室鈍丁所居曰金薤琳瑯之室相從展蟬翼

我友子桂子方垂髫與交親爾汝三十年耐久惟率真前年君來

送我去年我哭君我有數紙書函寄冥漠人不知君難兄晉裴

何日以書焚夜來入我夢談欵如生存不云見我書毋乃匪君
魂魄兮豈誠來夢緣想與因無術續殘夢安能畱幻身悠悠彌
月程脈脈十二辰

足力昔猶健捫蘿躋雲居訪友悵不遇題詩寫研朱

嘗訪柳溪夫於雲居

山館不值口占絕句

次第來報章晚崧

周幼聞

及潔夫蘭蕙方春

風曷爲饑所驅鵬亭舊有亭草堂我本無餞離園草堂贈言尤

清腴

戴鵬亭畫上湖草堂并贈詩

瀕行更開篋佩玖貽東扶老菴足酣歌西

鄰傷剝廬

張東扶所居老菴與余祖居同菴時亦贈詩

故交日以少新交日以疎少

年雖輸心澆薄非我徒

先人有敝廬藥市書坊間

南宋時坊市名

芳隣所最近椒石

邵霽川吉士橋

東偏又東槐塘兄

族兄西顯

其南乃桐山

胡寅若通守

昔我遠行邁手筆

時往還我今局官齋烹鯉孰勸餐舊札都不存投澗緣平安如

何孟公牘亦無藏去焉壁上槐塘詩寄贈今六年收之謹篋寄以保墨采鮮

自我友林大山蓮廿年見三遷其初家鼎盛裘屐習未捐尊彝列

堂上童僕羅席前文酒富清製名勝坐盈瓊學銳家始落家罄

學大全忍饑自寫圖自畫忍饑誦經圖屠沽豈知賢雲烟一再贈近別

又三年遠遊屢著未愁君直如弦韓才世不無楊岐行且旋古

之偶儻生多在風塵間宋劉子儀詩猶勝楊岐泣斷蓬

十年辭大都五年住平于邢洛一朝夕樂氏三日途樂有良民

吏梁構邢得才大夫金質兩賢故所歡無月無手書金門徙津

門質夫調駢坐魚鹽區三婦空豔歌五馬難踟躕間一過省會

倉猝慘衣袂構亭徒跣歸以丁再葺城南隅聞將稅北韓昏姻

言就居君來幸寄聲我亦還學廬廣平為漢武帝時平子國見景十三王傳及地理志注惟

魏書志作
平于非也

金門寄我詩纍纍五百字詩哭趙東潛奇崛出涕泗東潛載書

出新製復盈笥注注補水經非非訂水利東潛有注水經注近又撰直隸河渠水利

書問津良自知遊岱竟爲崇自天津至泰安病沒古來經籍傳什佰纔一

二當其抱苦心各爲不朽事傳亦何可必所感良友義金門欲爲刻其

遺書

舊旅樂孔懷坐對蒲菡萏朔風吹離披聚散生百感叔子濟同

舟前年三弟省三同余北行至濟甯始分道中道有延攬卯君頓獨居四弟孚吉出向萬承年

郭水軒掩移家省會人凶事來坎坎豈不隨化遷羈心劇爲潛

兄畱弟復去二弟有元城之行時弟亦喪婦空館委長簾魚目並鰥鰥服葦祥

且禪兩輶須一行南望愁雲黯

沈年苦頓憊攸往攜藥籠侍疾乏負薪笑獨逾龍鍾有客遺禁

方多男祝華封再拜謝嘉客司命由昊穹不見古緹縈無男乃
倉公癘疾況隨時瘵結難可攻我聞晉桓侯無病忽已終復有
蘇特進方朝仆於宮貴者痛轉劇熏心爲患叢賤者劇易瘳貞
疾未亡中以此謝醫藥益然求內充

書舊詩箋後

并序

書篋中檢得庚戌年上蘇畊餘先生古詩一篇距今三十五年
矣先生以康熙癸巳進士爲杭州府學教授先君向從其遊後
師韓亦廁門牆先生歲爲文會省中知名士無不承其講畫獎
借者先生沒且二十餘年師韓顛躓仕途有辜期許展閱故紙
不禁泫然

宋學昔請業蘇門曾獻詩席聯先友後簡授輩流時知我有鮑
子逢人說項斯衰殘頻被謗覽舊益增悲

友人先後惠蟹

正是江村稻熟時見裏郭索動鄉思溪灣下簷橋收籠蟹畧何
人錄小詩

西沽漁艇會城投橫跪頻煩饋賈收久矣蹴蔬羊不夢枵中驚
拜內黃侯

壺曰鳴薑鼎實加別開醯醢沃桃花南京尙有調羹手似鍍無
須啣用牙齊東野語賈耘老和沈君與送蟹詩
啣稱吳兒牙似鍍劈漸湖女手如慈

大嚼連辰快老饕餐加白飯飲紅膏年來止酒瓶常罄醒眼看

花亦儘豪宋劉仙倫得蟹無酒詩此日懷
涼何所似淵明醒眼看黃花

題曝書亭後

奏彈名在皂囊封老作東西南北翁長直有廬分左右前銜慚
愧與公同竹垞先生以史官充起居注官直南書房余
亦充記注直上書房兩書房一在西一在東

冬至

至日年年困旅居几筵臨奠痛何如寒禽落影南雲外枯樹搖

聲朔吹餘席徹尙煩仁者粟

時廣平諸生猶荷文請業

津通易得庶人魚逢

迎雖好非吾土黃髮漁樵事豈虛

祭義父母既沒必求仁者之粟以祀之注云喻貧困猶不

取惡人物以祀亡親也

楚語庶人有魚炙之薦又曰庶人食菜祀以魚

乙酉

五十九歲

移居蓮華書院觀荷感舊

依蓮更說蓮花發又蕃鮮作柱本無望爲裳斯可憐風翻巖日

下雨滴水雲邊高格看如舊隨方葺屋便

憶賦跳珠罷

辛未夏賦荷珠

旋歌織貝成青山空作苦湖目謬知名潔

有泥能染濃無露獨擎秋深皆老物何憾碧圓傾

臨池一莖白登閣數峯青

西園池上有樓旁列山峯未幾毀去

花與境交失人如

夢早醒流離黃藥塢浩蕩白蘋汀便使真成識辛未詠池中白

識半標足自馨晉子夜歌高山種芙蓉復經黃

席綺荷花館書畱苑在亭辛巳撰清暉小志龍伺都授講來課

貴游經硯自三臺謂得銅雀瓦硯泉從一畝渟瑤塘重結托別爾幾

秋螢淮南王傳候司作司

詠春午坡菊坡以種壯丹得名

百寶欄前見獨清離騷風味薄浮榮霜威自斂曾非傲眉壽相

親覺有情稀少忍教擎滿把孤高難與譜新名何知姚左爭妍

地別蘊寒香屬晚成百寶欄見王仁裕開元天寶遺事

遙輓林蓮山

博士橋過曲巷通從余家過李博士橋即君住處送君移宅幾春風往還尤密

豪華後生產全拋濶落中善本手捻甯估直好詩心賞不洽窮

蓋棺未必無遺行我自交情固始終

時有謫其短者故云

同人詠梅

禁用雪月霜雲冰玉粉蝶雀鷺香色影魂僧及美人等字

脩到梅花亦等閒獨含真性隱相關綴名已闕靈均賦邀賞休

矜鄧尉山無意十年成薄累何心三友強高攀憑誰落墨形骸

外只畫空枝遠望問

劉克莊詩幸然不識桃兼柳卻被梅花累十年

雨後

林間殘滴尙紛紛步履拖溼沒薛文四壁山容圖水墨一絲我

是入山雲

園崔

崔崔步清澗星星明白衣山空皆可舞天遠不求飛雨露驚心

在巖巖俗眼非商陵夜聞唳一爲理琴徽

崔警露惡陽變陰故崔又作鶴從雨兒婢

雅通雅
等書

丙戌 六十歲

燈夕

舍利西來幻火城成川成字變從清阮咸聲裏嵇康舞可奈魚

龍鬧燕鶯

散樂有舍利歌從西方來微水成此目魚跳躍化成

成字並見舊唐書音樂志宋錢易

有薛九嵇康小舞詞嵇康江南曲名

冰嬉火戲舊歡康十載重逢此勝場莫慙一棚垂燼易兩宵預

與展錢王

聞重得雪浪石於臨城輦致定州衆春園

玉井峩峩湧雪浪奔流作文礪爲狀坡仙謫去石齋空石委泥
沙故無恙浮休居士來中山恨公不見石載安俄經靖康閱金
元越四百載尋舊觀陽華軼事遠莫溯蕭齋但詔太璞完雙槐
旁蔭百寒暑一朝遷使蘇依韓從來有形會有盡愛憎離合何

足歎異事驚聞妙峯現
廡房跡淹歌舞院忽如伏櫪驥志伸人
人爭識山真而文符下取逼殘臘人馬鞭驅指華塔飛來摩詰
畫敢畱拜向辟疆題偶合黑河介齋疑枉然盛名克赴須才賢
君不見連山皆能變瑪瑙安知非兩孫重寫一芙蓉
石旁傳有公手植見萬歷間州博士韓上桂仰蘇亭賦
瑯環記引丹青記云王維爲岐王畫一大石一旦風雨飛去但存空幅後高麗遣使言神嵩山上飛一奇石下有王維字印遣使奉獻袁華拜石壇詩序顧仲瑛嘗於東城庵假山廢基得一石上有蘇子瞻題識及仲瑛得子瞻答王忠玉飲快哉亭帖與石上題識相合

丁敬身沒踰年始知之作哀詞

一會城南廢唱喁
戊寅同游城南再臨壟右絕追趨王午來會敬身成詩九章
老來龍性心交盡
丙後雕章手輯無有圖章曰硯林丙金薤琳瑯虛宿諾余以行書題額迄今未就
瑯虛宿諾
所居室曰金薤琳瑯之室
茅柴斧木念遺孤
近始買宅卅年蘭佩相看
卅年蘭佩相看
在淚落天邊舊酒徒

三月一日謁方太保歸感

恩述事恭紀

彈事當年削籍行此生心迹敢求明忽傳

天上哀吟語感極何知哭失聲

兩秋勸講侍 經筵夢斷瑤臺十六年見說

九重稱學問白頭榮遇過升遷

內直空辜

主眷優自羅痕癢尙蒙床尋思罔極靡由報惟望經生行各脩

簪筆巾襟總

國恩白誣甯忍謝私門旅中話舊如前世細小兒郎老弟昇

和制府方公塗中記所見二首

耕者用牛馬驢同曳一犁

扶犁紛冀北牧畜溢江南流汗勞胥任翻蹄蹇亦諸同槽因結
轡騰駕比加驂那得牛衣卧花村晚更採易林升之小畜牛驥同槽
文騰駕罷牛驂蹇驢兮賈誼弔屈原

推車植布爲帆

道上羊頭出輕如鴨鵝行塵先一帆颺步逐片雲橫度影成旗
岸弄音官柳程乘風獨無恙從不急湍驚獨輪車曰羊頭車張文潛詩羊頭車子毛布
囊

題故友黃松石負骸圖

先子昔以園名舩築臺更起青梧巔先高祖然明先生於天啟初作湖舩曰不繫園黃貞父先生有十二宜九思之約
又家有碧臺乃黃公所題滄浪道人我先友園勝宜思臺題
編風流銷歇踰百年獨敦夙好五世沿孫枝秀出松石間奇才
尤有至性傳憶自賢尊客右輔君侍北堂奉大姥凶耗驚從嚮

藥聞奔喪痛忍愆期舉僅免桑林縛草求畧如滲骨經旬取血
指流離跣足瘡行役負骸墳負土同時競說翁道州翁晉公運

州尋親萬里新塘洲君與浙東西比跡或出或處皆千秋我

思合傳兩孝行道州亡來失考訂此圖都門早見之未敢輕題

目空瞪哲嗣緘圖此再經令子大易戊堠豈殊前保定滿幅波為滿

地塵相對淒其朔風勁轉頭卅載老摧頽擎涕成吟繼七哀先

綺詠續集中有斯事斯人嗟不見白雲望斷小蓬萊小蓬萊在

哭廣公詩七章貞父先生讀書處也元史史彥斌母樞為水漂彥斌縛草人

置水中曰假此芻靈指示母棺行三百餘里草人忽止視桑林

中母樞在焉舊唐書博州聊城人王少元父死於兵少元求

以屍葬時白骨蔽野無由可辨或曰以子血濡父骨卽滲入焉

哭相兒

邪氣攻中勢欲摧最憐臨絕首頻回平生歷盡傷心事垂老重

教哭阿崔

更無坐膝挽鬚時瓦狗泥車觸目悲好向龍堂依阿母他年湖

上共埋屍

曹厓城南龍王廟亡荆柩旁

合眼分明與笑嬉陡驚短夢似聞啼情知夢裡因緣好可奈無
眠夢不迷

頻煩入信降高軒共道彭殤有數存多謝公云吾亦曉率然顧
影又銷魂

姆保號咷送遠坵數宵漸淡漸夷由感懷身世常蒙袂一老心
酸淚獨流

額無生骨眼無精相法知難望晚成不過慰情聊送老那期病
叟送嬌嬰

雖未成丁已是中自從黃小病相攻年年醫藥真應悔不藥中

醫倫見功

唐制民始生爲黃四歲爲小六爲中與隋制異

廿六年前哭母辰茲辰臨奠忽亡孫塵寰忍近蒲觴節弔在堂階賀在門

人事紛紜亦忘哀事過人靜復悲來早知庭樹緣終斷爭似無緣本不栽

蓼蓼莪蒿賦壯年晚吟遺挂旅牆邊天教身具孤鯁獨何必逃禪始悟禪

五世遷杭宗子身先門風範寄斯文苦心經史書填篋傳亦無徒只可焚

蠲忿忘憂載寫圖圖成憂忿一時俱料應花樹難消恨萋楚無

知好是無

友人先後爲余寫照並取合歡蠲忿萱草忘憂之意

平頭六十鬢如絲子舍親闈住孰宜子爾此身輕落葉更休營

辦草堂贊

湖聖忠天廟畫壁歌

陸二起潛之曾祖少微先生諱瀚家湖墅嘗於忠天廟壁畫諸天像

起潛有詩

忠天廟壁畫兩堵梁陳寺跡陸整同威容寶相惜未覩懷古有
作知神工方擬還廬急過訪奈聞皴裂非舊蹤文孫唱和詩盈
軸薛公韋侯名僅錄天王端合繼溫奇起潛畫有家法部從底須煩景
朴重裝補繪猶後來但誦君歌已膺服卻思廟貌號忠天越公
祀接烏聊山瑞石叢祠會正月我尙及預今闕然吳山大觀臺下有越國公
廟每逢正月十八日生辰少壯幾何人事改豈獨丹青易銷彩
族眾會飲於此今廢久矣還君詩軸和君歌所難不朽聲常在江甯梁何后寺江都陳逮善寺並有陸整畫見唐裴
孝源貞觀公私畫史蜀中薛稷畫崔韋偃畫馬至宋黃休復作益州名畫錄時並有名無畫矣

六十初度

五十無聞又十春杖鄉年在異鄉身頭今白似遼東豕衣尙黃
遮冀北塵落落諸侯老賓客遙遙天上謫仙人琉璃硯水全枯
稿曲學還蒙鑒 紫宸

五霜先壘別湖壩河朔移家向此間牛老那無身傍犢魚枯豈
但目成鰥剩存棣萼相依藉幸得芙蓉共往還

自荷花館移蓮花池百感

盡消書一束箋經猶日手增刪

近年著有觀象居易傳箋詩四家故訓春秋三傳注解補正孝

經約義語孟疏注辨異文選理學權輿等將次第脫稿禮有雜說

贈序

乾隆三十一年律中黃鍾之月同里汪君上湖年屆六十里
中親舊以余向受業 毅亭先生之門識君垂髫之歲相知
最深先期乞爲介壽之詞余惟君學博而才高久已著聞朝
野矣且是未足概其生平若乃斲節卓行在他人所不能爲

而確然行之無疑者約有數事乾隆改元君方以才名經掌院伯相張公少宰邵公奏直起居注記注之有協修從此始君入直纔數月一旦聞母病乞假歸省不出其後再丁艱服闋起復而離館閣者且十年大司寇張文敏公耳君名欲致門下時司寇爲

武英殿總裁疏薦校勘經史君承

詔任事而未嘗一詣司寇邸第黃君松石者君之世交也下榻司寇所間過君寓備道司寇愛才若渴而何可不一謁謝平君唯唯亦終不一往其自湘中降調再至都下也相國忠勇公薦入

上書房由謫居復任館職故事保舉者稱舉主事以師禮君曰古人譏拜爵公朝而謝恩私門者公賢者我何得循俗例以

薄待公也削籍後客遊畿輔制府方太保公延主會城蓮花池講席會奉

旨查核天下書院院長制府欲因覆奏薦之君以早衰多病固辭後制府入覲奏對畧如君言

上猶記憶以學問好稱之君聞而感涕作詩四章記其事凡此皆有闢出處進退之大端他如孝友之習稱於宗族鄉黨者固無待余言也君少以文名四方中年以後一意窮經諸經皆有著述於易尤邃而賦詩爲最工夫君固自有其不朽者在矣卽書是以爲君壽可矣同里孫灝撰

上湖紀歲詩編卷第四

上湖詩紀續編目錄

前編自二十七歲至六十歲續編自六十一歲至六十八歲

乾隆丁亥 六十一歲

送袁圖南明府告休還寶應

壽省三弟六十次韻 二首

聞質夫北行志感 二首

雜述 四首

題畫

題艮園雜詠 并序

戊子 六十二歲

社日池上

吳山金石兩像歌 并序

題唐子畏畫

太保峯 并序

題徐友竹摹文五峯夏山長卷用畊漁軒集中詩韻

後鳳尾研歌

次韻和楊督相文安勘城工作

小年 并序

題鍾馗醉睡圖

己丑 六十三歲

開館自述

客傳金門近狀

牡丹

晚步

早起

周君寄贈石鼓文拓本

并序

緬甸旋師

四首

庚寅

六十四歲

遙奠傅謹齋副憲

雨後

題南晉行省舊贈大方研

始雪憶金門將歸

和東坡餽歲別歲守歲詩韻

三首

辛卯

六十五歲

雜詩

四首

盆菊

良宵

次韻和方子野

友贈宋搨汝帖

至後寒甚爲友題荷淨納涼圖

壬辰 六十六歲

蓮池十二崔歌

李柯亭惠鰕魚

送陸役飲南歸 四首

示畫師

輓金門太守

輓堇浦先生

擬樂府次韻

雪後憶舍弟浞河

先友篇爲張烈母作寄耘塋孝廉

癸巳 六十七歲

卽事答所知

遙哭陽谷通守

甲午 六十八歲

蓮池書院奉

頒欽定重刻淳化閣帖一部恭紀

南歸有期留別蓮西諸友 二一首

並蒂蓮 二一首 并序

上湖詩紀續編

錢塘 汪師韓 韓門

乾隆丁亥 六十一歲

送袁圖南明府告休還寶應

何以知循吏去國民重留何以知墨吏下車民已愁我昔友袁

君淮海聲相求君於嚴陳間

嚴區甫吉士陳敦來觀察時皆諸生

高談冠鴻疇其

後聚京邑孰爲君蹇脩旣耗入仕塗職辦殊優優戊寅宰臨榆

我始河朔遊

但傳關塞聲無書達遠郵音問自違幕

甲申在保定始通問

會合從荷稠

丙戌初夏相見於蓮花池

陳闕王事餘倉猝辭保州先冬舉最

期

屆期大計

通章俄乞休筋力正柔強洩去奚因由既弗務筐篋便

可事鋤緩寒風結連氛客來孤竹坵言君初解官比屋攀行轡

文士刊碑銘田夫供膳饁似聞近百載無人比清猷縱未致鳳

鳳定異憎鵠鵠憶昨小廣平李尉儒家流廣平尉李心正號耻齋山陰人肉食

庇其私幹局翻見說遂令佩黃綬不如衣青鞵當其以疾告婦

孺涕莫收君今亦如之直道甯謬悠九年兩畿郡載見挽鄧攸

世眼逐顯晦民心辨薰蕕君看折轅車焉用清路駟此去張吳

帆清江必維舟尋思舊壇坫一瞬四十秋老友存幾人問訊及

我否我歸在改歲訪君射陂頭

去年省三弟自淄川寄詩二章為余壽弟今年亦六旬

次韻酬之

清望遙遙邈德門風流應不替祢冑授徒爾亦慙凡音毓寄寓

人休擬謝鯤兩地有詩相寄遠齊年安事互推尊惟珍一語和

而介來書中語老我棠花歲歲繁晉書孝友傳范毓不替門人又謝

優游寄寓卒歲而已謝

作朋爲壽各僑居一別征顏五載餘飛鳥依人應偶爾童蒙求
我竟何如客中孰設南烹宴書裏曾邀北轍車未曰歸哉言觀
止春星隨處照吾廬

先高祖然明先生始遷錢塘
董思白爲題其堂曰春星堂

聞質夫北行闕爲面別率成二詩以誌懷舊之感不必

寄質夫也

謫居尙是稱臺長戊政猶堪効塞垣悔以積愆成載跌勉爲晚
益答深恩九重德大無終棄萬里生還有數存檄下倉惶騎
馬去秋風吹鬢出關門

早寒關外雪霜催家忘休論第幾臺執爨婦原常禮佛貧薪兒
已遠提孩更毋感物長吟作也莫懷人短牘裁靜息三周猶一
瞬石函牽艇待君來

雜述

家無一稜田田園復何憶所憶湖水濱遐阡連邇陌西風原上
來搖漾黃雲色有秋眾言歡吾亦易飽食何必畝南東一一爲
我得堤上尋酒鑪柳下釣新鯽此興極不忘嗟哉十年客

病喘不能寐披衣常徹宵靜極翻百憂好夢難可要遠聞雁嘶
嘶近覺風蕭蕭此時劍佩儔因公集城壕月地一何潔霜林一
何高踈慵以閒廢知足愁漸消燈燼看窗紙熹微欲詰朝

安肅菜如玉黃芽白籠鬆北蔬品無上廣蓄支三冬忽憶故園
笋割鮮四序供味以澁而腴矯矯君子風闊別今十年飽飫輸
山農南帆競冬載乾腊價枉崇奚超市駿骨虛名竟何庸

所居近積水夏溽冬尙濡家人苦陰翳競欲新其居湫隘疾易
生爽塏病豈無不見舊僑人廿載何樂胥

張國子永璜
住此二十年
曷觀東

隣僧土木甯安軀

藟根上人於蓮池菴
精舍新構東軒住不踰年
遽爾物故

敝廬在南中

較此尤拘墟退守縮屋貧來年我歸歟

題畫

馬上襜褕隴上風琵琶聲裏見驚鴻
早知千古傳丹粉不用當年怨畫工

題艮園雜詠并序

西顛兄以所作艮園雜詠二十首寄質夫於津門蓋寫其里居閒適之趣也質夫函以寄余未及封還而質夫北去暇日展誦不禁愉戚交至焉

一箋詩展見遊遨千里音沈想鬱陶增病亦留治病藥平分客感笑號咷

戊子 六十二歲

社日池上

雨晴逢燕社池漲涉鳬翁落長蕊宮徑

藥根舊居

樹搖花信風

時方補栽

花竟何人見志可有物治顰

時患耳鳴

遠道縣縣思幽篁薄霧籠

漢書

陳平之志見於社下

吳山金石兩像歌 并序

樊榭山房有詠吳山麻曷葛刺佛及鐵四太尉二詩余考麻曷
葛刺譯言歡喜亦名馬哈吃刺佛見元史泰定帝紀亦名摩訶
葛刺佛見臚巴傳其象備諸醜穢是以成宗伯岳吾后於萬甯
寺見之以手帕蒙面而過方技劉元所為西番佛像多秘人罕
得見者至明初大善佛殿梁上塑此像嘉靖時毀之今寶成寺
所鑿應是當時人聞是神號遂以稱之而實非也元阿合馬置
神座於二熟人皮上明史西番僧取荒塚頂骨為數珠鬪髻為
法盤石像猶此意耳鐵四太尉雖據凌雲翰疏証為重鑄而未

詳所始考宋顯仁后當高宗出使時有小妾見四金鉀人執刀
劍以衛后知陰助及北遷歸立四聖延祥觀於西湖上乾道臨
安志及西湖游覽志所載畧同四太尉當卽四聖民間以其能
禦災患祀之吳山未可知也樊榭先生沒於壬申恨無從獻疑
請正聊賦七言識之

南湖徵君性疎朗弔古偏搜獮惡象遂令金石胥山岡鐵幢白
塔同奇賞土馬當年馳鉅鹿金介何人刀劍齧香鑲珠綴返宣
和民亦鎔金競祈福石巖遺刻尤怖人啗人剝取皮作裯穿珠
捧盃作吻吮

喇嘛作佛事吹人骨以爲樂器

那似秘戲通網緼寶成寺尙刻痕

在延祥園經再三改徵君逝矣孰質疑姑妄言之從懺悔

宋史后妃

傳章賢妃從上皇北遷高宗卽位遜尊爲宣和皇后

題唐子畏畫

面面雲山欲逼眞無多茅屋樹爲隣青衫白髮桃花塢潦倒明時有此人

太保峯 并序

孟夏同人遊靈雨寺沿池西陂有石高丈許篆刻太保峯三字後有款云門人吳郡顧願爲先考太保者安肅鄭洛字禹秀號師鄭襄敏公題萬曆甲辰夏日範溪嘉靖丙辰進士累官兵部尙書萬曆十八年經畧山陝七鎮有戰功陳收番六利越二年謝病歸家居九年卒贈太保事詳明史及馮文敏琦所撰墓志此石刻於萬曆三十二年在卒後五年所居黑山里築惠養園石豈其園中物耶

漣漪一曲見峻嶒

水中有亭近年乃移城內臨漪亭名名之

題篆從知徙遂城六利

番防籌閫帥卅年威望表門生峯飛已遠論功日翠積還深愛

古情正遇師干歌采芑藥欄遙映柳邊營

寺後爲南征兵弁止宿處

題徐友竹摹文五峯夏山長卷用其先人良輔廣文畊

漁軒與倪雲林高青邱諸公唱和詩韻

夏山圖丈六展對當麥秋久
梔河朔車倏見江南舟言樵五峯
格遠追四源流濃陰好村落行住心咸休
延緣度河潛長橋俯
芳洲逢迎多老成拄杖時交頭何必招提境
始證聞思修琴德
靜情情自足仁智求隴上耕人唱澤畔漁父遊
與君生江鄉卽
景天予優員誰驅我出緇塵此遲留君家畊
漁軒金蘭結綢繆
我欲賦應嘉兼之陰遂幽
金蘭集有諸公題遂幽軒詩
奉卷蓮宇行涼風滿
池樓
時同寓蓮花池張丑清河書畫舫云董元宰好北苑畫前後收得四本以四源名其堂按董源南唐北苑使宣和畫譜有董元陸士衡集有應嘉賦謂應嘉遜賦也

後鳳尾研歌

卅年前上金鑾坡故人贈研我作歌卅年後作諸侯客新銘續

製舊銘刻臣之壯也今已老中蹈險巇厯起倒回頭事事自知
非獨有文章粗見道直廬妄擬同署銜余嘗題竹垞先生集有
長直有廬分左右前街
慚愧與公同之句暮塗亦屢披征衫握槩橐筆兼匣硯都講河朔連畿
南纖纒旅韶原非鳳燕雀喧啾驚鳩控若教翼整健磨蒼那能
點校書充棟竹垞篋藏無一存龍泓化去經幾春潦倒天邊梵
獨叟忘羈翻藉墨磨人

次韻和楊督相勘估文安城工作

畿南九河會激濶縈流湍其間趙夔城四面波光團眾派注猶
金長隄護如轡台輔總嶽瀆百城仰躬桓將興繕完利先藉簫
畫寬牙幢列駟從攬轡當嚴寒是時風雪霽瓊砌鋪瀾漫遂巡
瀛郭野樓堞見嶺岼北暎溱洧冰南靜滹沱瀾飢黎已屬饜飽
德遍陵灘時以被水賑恤大田踰有秋崇墉旋改觀遙知板幹立真作

金湯看儲材量規則陳疏

天心歡詩歌仲山甫築城鏘八鸞保衡今召公鎮撫起凋殘肇域彼四海都民胥乂安

小年并序

桐城風俗以臘月二十四日爲小年自癸未來保陽凡節署小年之讌無不與今遇茲辰而恪敏公之亡已百三十日矣撫時感舊悽愴成篇

年華入手隙駒馳式燕賓誰誦又思醉醒較量腰臘異春秋難遣蟪蛄知桃符從俗更新易羽葆還鄉覓耗遲街巷紛紛人媚竈俗以是日祀竈燔柴爆竹夜何其莊子蟪蛄不知春秋此小年也歌二部文選注引漢書韓延壽傳植羽葆鼓車歌車張晏曰羽葆幢也服虔曰如今鼓吹歌車也按今顏注漢書不載此二注

題鍾馗醉睡圖

寫地獄相長安吳能令兩市無屠沽故欄貌得疴神圖跂足入
夢傳益都紛紛鬪勝趙與蒲辟邪孰遣成酒徒將毋嫁妹回柴
車不然移家息蹇驢柳陰操瓢挈瓶壺陶然解衣酣大酺索索
矍矍雙醜奴番休掌扇搖巴且涼風颼颼動虬鬚蠹蝨那得嘬
慢膚肉山欲倒力攢扶似聞雄哮出罅呼南方午日薦蒲菹北
方元辰障桃符競祈撫劒嚇夔魍此渴睡漢曷取諸人心有鬼
不勝誅君定無術爲翦除一覺付之夢遠遠墮聰黜明樂莫如
益州名畫錄趙忠義蒲師訓俱畫鍾
馗指剗鬼睛筆力相似惟一指不同
己丑 六十三歲

開館自述

通籍未及壯削籍甫踰強每出淹三年邐如覺身妨鄙性實硜
硜一再絰彈章從此辭承明漂泊十九霜憶當痕癢始死灰然

豈忘因文漸聞道重以閱歷長遂令在朔陞安之若滄江讀書
案兩肘鈔書研一方緣情或搦管一掃連數行稿脫旋內疾急
毀篋不藏心知力耕好筋力奈羸尪抗顛應蒙求去住挈巾箱
響咎聽叢集溫飽幸畢生闔扉自灑掃間出行池塘時務罕見
聞耳目從聾盲東作恤委積南征建太常贊舍於城中生徒方
裏糧

客傳金門近狀

快雪時晴府一灣索居誰此叩柴關客來蕭折飄零後春在冰
澌斷續間花好不教名品識塞外花蘊空直到語言刪聞金門
剛經縱然督趣非眞信話及回車亦解顏欲注金
中止

牡丹

今人花是去人栽人自迢迢花自開甚合與花澆一盞風塵那

得種人來

晚步

一旬霖雨換晴光
晚步秋園過柳塘
城市最難閒
有伴茶瓜焉
用醉爲鄉牆
頭月沒星教替
井上桃生李代僵
卽目豈勝成坐
嘆敗荷畱葉自餘香

早起

五更街鼓歇
一壁砌蟲呻
顚顚星含曙
悠悠夜向晨
老資筇竹拄
涼薄楚蘭紉
灑掃巾
僮約應憎不寐人

周君寄贈石鼓文拓本

并序

往據竹垞先生石鼓考作說以示友人國錄周君鍾阜復自京師以拓本見寄審視其文則較竹垞所考又闕一百三十七字矣石鼓自金馬定國辨爲宇文周時未詳何代姚寬殘話及焦

竝筆乘以大統保定時事合之疑皆未當周武儉朴校兵閱武
步履勤苦何此獨夸耀其事史稱建元二年皇太子贊撫巡西
土於岐州獲二白鹿以獻詔曰在德不在瑞今考鼓文言及鹿
者有六有曰我鹿允異非謂瑞應乎宣帝窮極奢侈雖於卽位
之始卽傳位太子衍而自稱天元皇帝其文或補刻於大象中
故天子與嗣王連及也余蓄臆說如此安得馬氏之辨猶存與
爲証其同異哉說在文部此不具錄

陳倉石鼓埋荒野韓公作歌欲淚灑鳳翔石鼓移學宮蘇公弔
古稱天工時緣榮悴生感喟不似後儒徒藻績獨何根據信周
宣降及先秦復西魏大統保定西狩三春巡皇嗣詔旨銜隋原
雉見漁鰓鯉我鹿允異嘉祥占官制周官誥周誥詩樛羣雅廷
臣諳天子嗣王語連及在德曷使諛詞剗倘自天元大象日補

述旗旄夸驂驪遺文軼事窮咨訪野史亭書宜不妄可惜薺堂
文不傳口縱懸河和無唱我昔釋褐曾細觀恨未椎拓加裝潢
卅七年始見墨摹漫漶滋多坐惓悵因之博考復微吟懷抱廓
然觀古今正深采芑新田意別紀叢談付學林

緬甸旋師

通蠻孰識古朱波城緬初傳阿瓦河瘁吠但於羣狗似掣飛其
奈此鷹何探湯水熱金生燄犯瘴雲迷馬當驪禹迹三危荒服
外驢兒豬女罪無苛方輿紀要緬在漢爲揮在唐爲驪新唐書
驪古朱波也元史始有緬傳明史始有阿
瓦之名別有詳考在說部元史賀天爵上言緬中部落之人
猶羣狗耳明土司孟養傳倫索指鷹曰我曹猶此鷹奪得土地
卽管食之耳華陽國志博南州蘭滄水有金沙以火融之爲
黃金明沐璘詩阿瓦城河沸似湯南中產馬世稱西馬孟養
馬矮如驢楊升庵雪山詩
選証三危山在麗江

憶自齊公領霸都廟堂詩裏恨狂夫八關金齒重開壁三道邦

牙迭啟塗相印腰懸揚纛進白衣膽落曳兵趨蠡屯纔是飛連

弩信搭星馳葉展蒲

元張禧子宏綱征八百媳婦戰沒贈齊郡公元文類載虞伯生萬戶張公廟堂詩曰

狂夫忌之又曰狂罪則誅狂夫謂高慶及察罕不花以不為救

援伏誅也騰衝設八關見明史

入緬有三道見元史時

以蒲葉書來乞罷兵

勁旅龍沙選索倫欵投鬼窟願披榛撓騰郭緒乘泥淖義激方

瑛過土窺射隼先聲河北砦釜魚殘息海西人攀枝花地欣傳

檄蠻落來威罷戍申

索倫本名索義羅在黑龍江之南拖心河之北地分八圍兵最强前此平金川平準

夷所向克敵

明地理志孟養有鬼窟山郭緒論服孟密木邦方瑛從王驥平麓川並見明史傳忽都衝河北軍見元史

後漢

書注應劭曰揮國使者自言海西人地與海西大秦國相隣緬地有攀枝花明劉綎鄧子龍大破緬於攀枝花地後

遂以為地名

象楯蛇船習險巖塗香披璫俗兜離井收地寶誠焉用橋倚天

生枉自奇百戲漫陳揮

音檀

國樂七擒難考武侯碑江枯石爛無

違誓克壯謀猷在審時毛大可蠻司合誌孟密獨寶井多利
 議後漢書陳禪傳永甯元年揮國王獻樂及幻人明年元會作
 之於庭陸氏演記諸葛武侯擒孟獲於普坎立碑紀績王驥
 立石金沙江曰石
 爛江枯爾乃得渡
 庚寅六十四歲

遙奠傅謹齋副憲

零落晨星剩有君廿年契闊惠書頻世因章奏知丰采道在經
 墳見討論久托雲棲身再顯君自奉天府丞降自都風憲學逾
 醕八摑輿亦多遊舊終始誰如一味真南齊江夏王
 乘八摑輿

雨後

何處蟪生暑雨餘泥深門巷少停車補茅濕共垣衣落熱木微
 難几簾除塗舊自鈔山長集裝新友畫水村居羈孤別有紛然
 事隔院笙歌不羨渠明周致堯
 有山長集

題南普行省舊贈大方研

硯與周旋久看來古直多水坑材爾許山骨性如何重是故人
贈方爲勞者歌肯令胡旦輩斲刻事所磨

始雪憶金門將歸

一昔冰生水無風氣作威代雲常漠漠空雪乍霏霏旅服蒙茸
怯村酤郁烈微不知還幾日歸信達寒扉

和東坡餽歲別歲守歲詩韻

篋筥餽殘年親串逮賓佐雞魚雜果蔬將敬匪黷貨風氣日趨
華積小以高太計值準錢刀經營不遑卧傾囊比償逋幸獨在
公座營營里巷間蠕蠕蟻走磨免俗雖未能從樸尙無過我亦
田間人古風宜可和

餽歲

古園靈本無涯由人見離合所見各因時但懼老可憎焉知逝
固肥哉不與我別我何爲歲悲哉悲會有道曠達乃浮辭古云
人不學所以老而衰 別歲

候旣變鸛蟀時方蟄龍蛇彼歲何所之可以人力遮嗟我耄且
瞶欲守如冷何谿掃隔年地陋室紛譴譁誰家發高興爆響連
鼓撾夜半歲已更顧視燭影斜迎春況成旬履泰毋蹉跎老筆
尚健在詩成對客誇 守歲

辛卯 六十五歲

雜詩

古人貴淡忘今人賞機智偶覓落拓人眾目交愕貽亦有相勸
言似君材莫比枉尺而直尋苟進定得志胡爲守拙艱衡門鎖
長閉聞之欲徃從噩沒起痕癢惜哉病未能多謝丁甯意

嘗誦田間詩

錢飲力田勝讀書我匪薄躬耕所傷一畝無顛連

不釋卷子姓笑我愚紛紛逐厚利各各求良圖身價幕寮貴倍

徒商賈趨頻年竟何成無聊更鈔胥老大悔已晚勿悞吾家駒

故人書遠投傾否出榆塞學道經幾年所得宜有在憑危守枯

株就安希藻續人情別衰榮君子一顯晦我有一尊酒期君良

宴會出君新著書疑義共澄汰朝聞斯爲難相期保節概

止酒已多歲樽燥塵埃生近復病脾磨窻冷茶不烹一盂脫粟

飯食飽捫腹行誠奉陶隱居交絕杜仲甯豈其餘金絲

少時嘗爲烟草

輯金絲錄

欲廢焦陸經關心在藥裏難附高士名嗜好蠲及此小人

固硜硜

王著有與杜康絕交書見文選魏武詩注

盆菊

菊有黃花及此時盆盛休說傲霜枝紛紛論價街頭賣孰向南

村謾短籬

蕭蕭黃葉下階除，歷亂隨風漸合污。猶有更生能不落，自甘蕉萃守枯株。

娜嬛記引金剛續云：菊名更生花。卑雅云：菊草鞠而不落，故名菊。

良宵

牆上參橫月未來，良宵如晝百塵開。羣遊憇憇觀燈約，獨客龍鍾曳杖回。天尚無風冰欲結，我因久病老逾頽。歌樓想見香炷合，門外車行響似雷。

次韻和方于野

赤畿多贊府，冰玉似君稀。年未許丞老，材甯張令違。幹臣加御帶，循吏借緋衣。兩忘榮枯迹，哦詩獨掩扉。

唐張柬之仕始青城丞，歷位至中書令。

宋官制有稱帶御器械者，其先名御帶以武幹親信者爲之。其後外任或於衙內帶行。

友贈宋搨汝帖

汝刻於諸帖紛紜割綴蹤溯年稽大觀備體見中鋒坐嘯人何
有心摹力不從惟應欽古意淨几配黃龍竹垞說硯云端溪水
巖石黃氣亘其上若
虹調之黃龍余近得此
硯數十年來罕見者也

至後寒甚爲友題荷淨納涼圖

昨宵風緊天模糊霰飛欲作密雪鋪風狂夜半凍雲散曉起坐
展池荷圖涼颼徐來木漸落珍重林亭醜梧杓乘涼好是未寒
時到及沍寒無此樂

壬辰 六十六歲

蓮池十二雀歌

昔向洞庭湖上遊仰看雙雀雲際浮高歌一曲和仙侶轉盼幾
及三十秋昔年過洞庭湖見雙雀
賦詩一時和者甚眾春和園中挈經筵庭雀短篇
聊興寄有詩在第三卷今旅于處雞距灣縞衣三見迎儒肆亭臯清淚

開七年如經蜀殿夸黃筌續來蓬閣數且倍園舊有六雀今又益以六更踰

薛稷圖通泉吾聞晝夜鳴中律竟可分配鍾呂旋巫峯一一列

成柴南極炯炯符星躔豈不池臺供燕喜離合人生歎猶是霜

毛雖共掩雲羅後日榮衰各遷徙孰從衛國乘軒行帶箭亦有

徐佐卿或與眞靈作騏驥或隨隱者巢西冷崎嶇世變難逆觀

眼底亟聚甯忘情冲天控地雨不喻喜轉悲啼何重輕黃筌爲蜀主孟

昶畫雀於偏殿目爲六雀殿見益州名畫錄薛稷畫十一雀

於通泉縣署壁杜少陵有詩雀畫夜十二鳴中律見相雀經

南極有雀星十二古人未見者見梅定九揆日候星紀要

李柯亭惠鰕魚

無魚彈鋏日高歌白腹欣從鯉澱過久關南烹徵指動頗開北

酒忘顏酖余以病箋經應爲鰕鯉補說劒焉知漫理訛珍重故

人今日餉盤餐明日問如何爾雅鰕鯉郭注未詳鄭樵箋注謂

卽今之鰕魚也吳越春秋于將

莫邪之劍陽作龜文陰作漫理吳地記曰于將龜文莫邪鰻文可知漫理乃鰻鯉之訛也

送陸筱飲南歸

今年夏暑雨嬰疾無樂方流隸寡結託俗情況炎涼落落雲霞
交往往聚不長君來輪慳欸時一對舉觴酣縱脫諱禁討測及
文章生客固與聞高興寓感忘秋氣忽慄慄聞君理還裝

瀕行寫北郭贈我可遊圖

画北郭可遊圖冊子見贈

君住荷竹間列列君子

徒末幅寫荷風竹露

繁燈隔河塘小艇迎外湖窰頭言采菱橋

上觀鰻魚驚炙世希有生酒味冽如僻不類深山市乃雜樵漁

願學冲晦隱便移句曲居從君樂莫樂訪舟棹城隅

南宋市肆記作坊有

鰻杭驚鴨市食有炙雞鴨按詩傳杭火曰

炙今杭之燒鰻天下所無殆是南宋遺法

我歸十載前已無國黃耆輩旅猶若林今復十亡九歸然數公

存吁嗟乎別久槐塘篤門宗

族兄西顯

桂堂兼師友

杭丈董浦

於君皆素

心闕積喜捉手恨我少不學得少妄自負垂老漸讀書始知胸

罕有後會炳燭行朝聞冀都授殖西切

漕路我舊諳彌月程難破秋深多北風蓬窓愜便坐媿嬰抱繡

綳綺衾藉羅襪攢蒿開壁撐振舵河灣過金焦席影偏平江櫓

聲悞遙想敏關來湯餅嫻亞賀南州春色吟唐張謂春一曲誰

當和

示畫師

肯貌尋常行路人丹青差可不愁貧祇今骨相誰褒鄂俗眼安

知画有神

輓金門太守

童稚交存爾汝身訃書驚捧自天津竟辜旋役同編易君在塞外注易

纔決歸期遽返眞君定於十月南歸竟不及宦跡更番性無改官評一再死

爲鄰猶看曳紱圖遺像

賞給冠帶

老友臨喪感涕頻

輓堇浦先生

先生昔覽余詩嘗惜稿中無與先生訓贈之作而余羈遊日久此願終辜今聞溘逝

追感其意
以述哀

詞場早自束修初橋路東西若比閭五十年來塵外賞三千里

外裏中書猶龍我願風雲上

上聲

畫虎人求炳蔚如大德有閑何

論細多才潦倒不羸疎

擬樂府次韻

少日矜顏色華年惜棄捐甯歌妾薄命不唱望夫憐

雪後憶舍弟代友于役浹河

踏路侵深雪拖牀壓壯冰晚來河曲住蘆屋閃風燈

先友篇爲張烈母作寄令孫耘塋孝廉

先友昔有張孝廉

諱四維字忍齋

文章無價命不延孝廉死名婦死烈

孝廉辛丑會試病沒京師

如樹甫茂遭摧殘時同年契金與厲

夫人劉氏聞之不食死

長孺樊榭金請撰傳師臨川

穆堂李先生作傳載集中

臨川文鉅事則畧厲

復有傳詳考旋詎料日久詳者失高情獨有臨川傳繫我先君

亦同譜先生我識童稚年雖未升堂拜母範習聞遺烈心知賢

今欲爲母補家傳所恨筆弱非修椽逢迎文孫沈水上感時談

舊涕泗漣自古至行自不朽生前榮悴浮雲然伏經班史澤長

在蘇孫韓祖名相沿期君承家志無忝六鼇一釣猶俗觀

癸巳 六十七歲

卽事答所知

名賤焉知記 九重感深薄福負遭逢四民窮有孤鰥獨廿載

閒無悔吝凶銷骨毀成醒昨夢昨病起益衰容

三月左相臨

隍水堪津逮病僂空懷獻賦從

遙哭陽谷通守

族姪陽谷諱時任四川潼川府通判從征大小金川死難於瑪瑙寺

征塗一飯話秋池

去年十月道經保定

遠道音沈半載期分守梓潼寒始

凝從軍美諾

金川地名

暑惟咨元戎失律

王師潰

聖主推

恩卹典垂忠鬼三千君更苦小人有母况無兒

甲午 六十八歲

逆池書院奉

頒欽定重刻淳化閣帖一部恭紀

七言古體四十八句

太平興國購書蹟淳化釐訂奉敕鐫紙拓澄心墨歛墨位進兩

府廼獲頒歐陽集古熙甯前初搨欲得時已難石本板本辨保

大祖刻翻刻疑昇元知微輕畀禁闔任希白詎聞御幄宣誇潭

響絳枉推許米跋黃論爭譏彈摹舊猶罕致國學借搨孰與分

親賢考異遞及顧從義正誤初命龍大淵求真并少雪花夾信

偽競作銀鋌櫃顯晦繇歷八百年由淳化三年至今凡七百八十二年

詔出秘寶雕琅玕中外拜錫遍槐棘下逮儒肆邀

賞延黃封踞捧裝潢備叩頭祇領開瑤編舊傳海內第一部佳

妙無過畢士安今知翠琰卽此是廻廊藻耀長春園寓名

蘊古冠義畫記事別題淳化軒淳化軒以藏石而名在長春園中舍經堂後廻

廊砌石乃御書寓名蘊古齋舊基也首卷移改增削歸至當舊本訛誤

釋文疑似窮磨研每卷俱有釋文訂字旁注卷卷篆有列宿懸每

校正宋淳化閣帖初搦揆勒上石凡二十八字平緬之歲工

告竣特明遊藝匪關治大哉

睿製標微言御製詩曰並置書軒茲數典非關治道此帖臣曾

見數種形模雖具神弗完南北所見宋本亦弄軒中早從王澍識諸帖考正

一帙刊上刊王澍撰閣帖考正十二臣昔年少今已老忽驚紫

卷雍正庚戌刻於江都

字探娜媛龍鸞飛騰映晴旭穗薤披拂紫祥烟所惜衰老理歸
棹水黑終乏臨池緣何似前脩願為蠹常遊玉躐金題間宋自
興國中詔訪墨蹟諸州進獻歷雍熙端拱至淳化三年命翰林
侍書王著叙正諸帖釐為十卷名淳化秘閣法帖按著字知微
宋以中書為相樞密為將謂之兩府陸友仁邢侗俱以南
唐昇元二年帖為閣帖之祖劉跋復以閣帖為宗李景之南唐保大帖
增成十卷按昇元乃烈祖李昇保大乃元宗李景之年號也
輟耕錄謂仁宗嘗詔倡希白刻石於秘閣其事無可考証
軾謂潭帖有晉人風度比淳化為勝王佐曹士冕俱謂絳帖次
於閣帖米芾有法帖題跋黃伯思有法帖刊誤南宋紹興
中以淳化舊帖刻板置國子監哲宗元祐中親賢宅從禁中
借板墨百本分遺宮僚世謂二王府帖二王者魏王也宋劉
次莊於元祐間作釋文建中靖國間劉燾續之至明嘉靖時顧
汝和作釋文乃為詳到徽宗以淳化標題多誤大觀中出內
府墨蹟命龍大淵等更定然其所以爽雪名者蟲食其墨以素紙裝
之若六花散於几席乃賜本之僅存於今者孫承澤庚子消
夏記以淳化四年賜畢士安本為海內第一部

南歸有期留別蓮西諸友

一年人住尚餘情何況林蟬十度鳴旅處抗顏資獨學病來輟

講貢諸生感多哀樂身難料境歷炎涼候易更出郭放船津澗

路琴高臺外愴秋聲

舍弟自琴高祠工所得病

敞關數

上聲

牒越郊圻遊倦曾非悟昨非被嫉摧頽轅固老持喪

勞擾杜林歸小冠不製名從喚

病目踰年

大招相牽手漫揮荷屋淹

留還惜別雲山雖隔夢常依

並蒂蓮

并序

昔直西苑於寓樓賦白蓮詩後竟成讖廣平客館四面皆蓮庚
辰花發華華二本收其一焉移家保州及今且十年矣將南歸
復覩斯瑞蓮於余有緣若此能無賦乎

孤綠雙紅幸載逢風香日影漫形容惟應心折花君子到及臨

岐意轉濃

梁朱超詠同心芙蓉詩云日分雙蒂影風合兩花香隋杜公瞻詩云一莖孤引綠雙影共分紅

生與芙蓉有夙緣所居常在葉田田還湖肯負纏絲意日泛圓

瓢麴院邊先然明公製舫西湖有不繫園隨喜菴觀葉小團瓢等名又有曰雨絲風片者樊榭先生湖舫錄所未載也

上湖詩紀續編